



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNİ PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.227/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Ramush Bardiqi - kryesues, Hidajete Gashi Alaj dhe Kujtim Pasuli - anëtarë, duke vendosur përkitazi me ankesën Marigona Racaj, kandidate për asamble komunale e subjektit politik Lidhja Demokratike e Kosovës (LDK) të paraqitur kundër komisionerëve të Komisionit Komunal të Zgjedhjeve (KKZ), Klinë, për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 17.10.2025, merr këtë:

V E N D I M

REFUZOHET e pa bazuar ankesa ZL.Anr.227/2025, e datës 16.10.2025, e parashtruar nga Marigona Racaj, kandidate për asamble komunale e subjektit politik Lidhja Demokratike e Kosovës (LDK) paraqitur kundër komisionerëve të Komisionit Komunal të Zgjedhjeve (KKZ), Klinë për shkak të parregullsive gjatë numërimit në Qendrën Komunale të Numërimit (QKN) për Zgjedhjet Lokale, të mbajtura më datë 12 Tetor 2025.

A r s y e t i m

Me datën 16.10.2025, PZAP-i ka pranuar ankesën e kandidatës për asamble komunale nga radhët e subjektit politik Lidhja Demokratike e Kosovës (LDK), me të cilën pretendon se me datë 15.10.2025, kishte parregullësi gjatë futjes së të dhënave dhe rezultateve në (QKN) salla e sporteve Adem Jashari në Klinë, për shkak të dyshimeve të bazuara se votat e saj janë tjetërsuar (ndryshuar) gjatë procesit të numërimit në fazën e futjes së të dhënave në sistem, sepse në secilin VV është tjetërsuar vota. Me tutje pretendon se ka vota me shumë në vendvotimet (0805/2) nga 60 vota, që janë numëruar dhe dëshmuar nga anëtarët QKN dhe vëzhguesit (0805/1) ka mospërputhje mes të LV-së dhe votave të vlefshme në kuti për Asamble. Këto mospërputhje bëjnë shkelje të nenit 118 dhe 120 të Ligjit për Zgjedhjet Nr.08/L-228, dhe Rregullorës së PZAP-it.

Parashtruesi i ankesës lidhur me pretendimet e saj si dëshmitar e ka paraqitur anëtarin e LDK-së Gazmend Racaj me nr. të identifikimit në QKN 56694 i cili i njëjti ka dëshmuar këto ndërhyrje pranë organeve të hetuesisë në Policinë e Kosovës në Klinë, si dhe dëshmitarë të tjerë kryetari i KKZ-së, anëtari i KKZ-së Betim Krasniqi.

Në përgjigjen në ankesë të Komisionin Qendror të Zgjedhjeve – KQZ, theksojnë se pretendimet e palës ankuese se i janë ndryshuar votat gjatë procesit të numërimit në fazën e futjes së të dhënave në sistem në QKN, lidhur me vendvotimin 0805/1 dhe 0805/02, për zgjedhjet lokale në Republikën e Kosovës, të datë 12 tetor 2025 ka njoftur se:

Bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit për Zgjedhjet Lokale 2025, e miratuar me 01.10.2025, Nr.01/2601/2025, përcaktohet procedura lidhur me procesin e numërimit në QKN. KQZ, pas pranimit të kërkesës së PZAP, ka kontaktuar me Komisionin Komunal të Zgjedhjeve (KKZ) të Komunës së Klinës.

Tutje KQZ ka theksuar se rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimueshëm nga subjekte politike dhe kandidatët të cilët kanë pretendime në raport me numërimin e votave të tyre. Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LZP, pala mund të ushtrojë ankesë në afatin brenda dyzet e tetë (48) orëve në PZAP. Në kuptim të nenit 117 paragrafi 3 të LZP, gjatë shqyrtimit të ankesës është vërejtur se pala ankuese nuk ka bashkëngjitur prova të mjaftueshme që do të mund të dëshmonin apo mbështesin pretendimet e saj të paraqitura në ankesë.

Paneli Zgjedhor për Ankesa dhe Parashtresa - PZAP, pas shqyrtimit të ankesës dhe shkresave të lëndës, pretendimeve ankimore, përgjigjes në ankesë gjeti se:

- Ankesa është e pa bazuar

-

Në bazë të provave të bashkangjitura shkresave të lëndës dhe përgjigjes në ankesë, paneli vlerësoi se pretendimet ankimore se kandidatja për Asamble Komunale nga subjekti politik i LDK në Kline se me datë 15.10.2025, kishte parregullsi gjatë futjes së të dhënave dhe rezultateve në (QKN) salla e sporteve Adem Jashari në Klinë, për shkak të dyshimeve të bazuara se votat e saj janë tjetërsuar (ndryshuar) gjatë procesit të numërimit në fazën e futjes së të dhënave në sistem, dhe pretendon se ka vota me shumë në vendvotimet (0805/2) nga 60 vota, që janë numëruar dhe dëshmuar nga anëtarët QKN dhe vëzhguesit (0805/1) ka mospërputhje mes të LV-së dhe votave të vlefshme në kuti për Asamble. Këto pretendime Paneli vlerësoi si të pabazuara pasi që ankuesja nuk ka dëshmuar me prova konkrete pretendimet e saj edhe pse i referohet parregullsive gjatë numërimit të votave.

Bazuar në arsyet e sipërshënuara dhe në kuptim të nenit 118.1 të LZP-së i cili parasheh se “PZAP-i, pranon ankesat e bazuara në fakte dhe refuzon ankesat të cilat nuk i përmbushin kriteret e miratuara paraprakisht” dhe Neni 13 paragrafi 4 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, në të cilin përcaktohet se:

“PZAP-i mund në përgjithësi të refuzoj një ankesë apo grup ankesash nëse ato nuk paraqesin raste prima facie ose ku ankesa apo grupi i ankesave është dukshëm i pabazë”, lidhur me ankesën e lartë përmendur vendosi si në dispozitiv të këtij vendimi.

Andaj, Paneli vlerësoi se ankesa e parashtruar nga Marigona Racaj, kandidate për asamble komunale e subjektit politik Lidhja Demokratike e Kosovës (LDK), është e pabazuar pasi që nuk ka bashkangjitur asnjë provë përkatësisht pretendimi se ka me shumë se 60 vota mbetet vetëm i natyrës deklarative dhe se nuk është mbështetur me asnjë prove që do të dëshmonte pretendimet ankimore. Andaj duke u mbështetur në nenin 117.3 të LZP-së ku përcaktohet se: *"Vendosja për ankesat nga PZAP-ja mbështetet në dëshmi të qarta dhe bindëse"*, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesë dhe nga provat e ofruara si dëshmi parashtruesi i ankesës nuk ka arritur që të vërtetoj pretendimet e theksuara si më lartë.

Kështu që paneli vlerësoi se parashtruesi i ankesës në mbështetje të pretendimeve, dëshmitë e ofruara nuk janë të qarta dhe bindëse, edhe pse në kuptim të nenit 117 paragrafi 3 të LZP-së, barra e të provuarit bie mbi ankuesin, në rastin konkret të provuarit e asaj se pretendimi i parashtrueses se ankesës se ka me shume se 60 vota, nuk është dëshmuar me prova nga pala ankuese, andaj në rrethanat e rastit konkret ankesa është refuzuar si e pabazuar.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

ZLAnr.227/2025 më datën 17.10.2025



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.